



Халқ сўзи

Ўзбекистон —
келажаги
буюк
давлат

2026 йил — МАҲАЛЛАНИ РИВОЖЛАНТИРИШ ВА ЖАМИЯТНИ ЮКСАЛТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2026 йил 7 январь, № 3 (9174)

Чоршанба

Сайтимизга ўтиш учун QR-кодни телефонингиз орқали сканер қилинг.



Ўзбекистон Республикаси
Президентининг
ҚАРОРИ

РЕСПУБЛИКА МАҲАЛЛАЛАРИДА
ХАВФСИЗ МУҲИТНИ ЯРАТИШ
ЙЎНАЛИШИДА ЯХЛИТ МАНЗИЛЛИ
ИШЛАШ ТИЗИМИНИ ЖОРИЙ
ЭТИШГА ҚАРАТИЛГАН ҚЎШИМЧА
ЧОРА-ТАДБИРЛАР ТЎҒРИСИДА

Ўзбекистон Республикаси Президентининг 2025 йил 3 январдаги “2025 йилда республика маҳаллаларида хавфсиз муҳитни яратиш ва ҳуқуқбузарликларнинг барвақт олдини олиш тизими самарадорлигини янада ошириш бўйича чора-тадбирлар тўғрисида”ги ПҚ–1-сон қарори ижроси натижасида маҳаллаларда жиноятчиликни қарийб 1,5 бараварга камайтиришга эришилганини инобатга олган ҳолда, шунингдек, мазкур йўналишда яхлит ишлаш тизимини жорий этиш ҳамда масъул раҳбарларнинг вазифаларини белгилаш мақсадида қарор қиламан:

1. Мақсадлар ва устувор вазифалар

1. Куйидагилар ушбу қарорнинг асосий мақсадлари этиб белгилансин:

а) **ижтимоий профилактика самарадорлигини оширишни** устувор вазифа этиб белгиланган ҳолда маҳаллаларда хавфсиз муҳитни ишончли таъминлаш бўйича манзилли профилактик чора-тадбирлар тизимини самарали жорий этиш орқали жиноятчиликни **кескин камайтириш**;

б) **оила-турмуш муносабатлари доирасида** ҳамда **аёллар ва ёшлар томонидан** содир этилаётган жиноятларнинг асл омилларини илмий ёндашувлар асосида таҳлил қилиш орқали уларнинг барвақт олдини олиш бўйича янги ишлаш механизмларини белгилаш;

в) ҳар қандай ноқонуний ҳолатлар юзасидан **мурожаатларга тезкорлик билан муносабат билдириш** тизимини яратиш, бу борадаги фаолиятни **бевосита жойларда** самарали йўлга қўйиш орқали **аҳоли розилигига эришиш**.

2. Куйидагилар барча масъул идоралар ва муассасалар учун маҳаллаларда хавфсиз муҳитни яратиш бўйича ташкилий-профилактик чора-тадбирларни амалга оширишнинг **устувор вазифалари** этиб белгилансин:

а) Ўзбекистон Республикаси Президентининг 2025 йил 3 январдаги “2025 йилда республика маҳаллаларида хавфсиз муҳитни яратиш ва ҳуқуқбузарликларнинг барвақт олдини олиш тизими самарадорлигини янада ошириш бўйича чора-тадбирлар тўғрисида”ги **ПҚ–1-сон қарори** билан белгиланган механизмларига мувофиқ **ишларни давом эттириш**;

б) ҳар бир маҳаллада криминоген вазиятга салбий таъсир этувчи омиллар билан ишлашнинг маҳаллалар кесимида ҳар чораклик манзилли чора-тадбирларини белгилаш ҳамда уларнинг **маҳалла — туман — вилоят** даражасида ижроси учун бевосита **масъул раҳбарларни бириктириш** ва зиммаларига аниқ **жавобгарликни юклаш**;

в) маҳалла ҳудудида аҳолининг **ижтимоий-маиший муаммоларини ҳал этиш** орқали олдини олиш мумкин бўлган ҳар бир жиноят бўйича маҳаллий **ҳокимликларнинг масъулиятини ошириш**, ижтимоий профилактика субъектлари томонидан амалга оширилган тадбирлар самарадорлиги юзасидан **қатъий сўров тизимини йўлга қўйиш**;

г) **оила-турмуш муносабатлари доирасида** ҳамда **аёллар ва ёшлар томонидан** содир этиладиган жиноятларни **“илмий ҳулоса — тавсия — натижа”** тамойили асосида жойларга чиққан ҳолда мақсадли илмий-амалий ўрганиш орқали самарали **ташкиллий-ҳуқуқий чораларни белгилаш**;

(Давоми 2-бетда).

БУЮК ИПАК ЙЎЛИ ҚАЙТА ТИКЛАНМОҚДА

TRANСПОРТ-ЛОГИСТИКА ТИЗИМЛАРИНИ ТАКОМИЛЛАШТИРИШ БЎЙИЧА
ХАЛҚАРО ЛОЙИХАЛАРДА ЎЗБЕКИСТОННИНГ ТУТГАН МАВҚЕИ ТОБОРА ЮКСАЛИБ БОРМОҚДА

Миллий статистика қўмитасидан маълум қилинишича, 2025 йилнинг январь — ноябрь ойларида Ўзбекистоннинг ташқи савдо айланмаси 72,8 млрд. АҚШ долларига етиб, 2024 йилнинг мос давридагига нисбатан 13 млрд. долларга ёки 21,8 фоиз кўпайди. Бу ютуқлар замирида давлатимиз раҳбарининг ташаббуси билан транспорт ва логистика тизимида амалга оширилаётган изчил ислохотлар мужассам, албатта.

Сарҳисоб

— Денгиз портларидан узоклигимиз халқаро савдо ҳажмини кўпайтиришга ҳалақит бераётган бўлса-да, давлатимиз раҳбарининг саъй-ҳаракатлари, прагматик сиёсати натижасида транспорт-логистика тизимларини такомиллаштириш учун йирик халқаро лойиҳаларга қўл урилмоқда, — дейди иқтисодчи олим, профессор Зилола Шомансурова. —



ка интеграциясига кўмаклашиш жамғармасини тузиш ҳамда заифлик глобал индексини ишлаб чиқиш ташаббусини ўз ичига олади. Келгусида бу портлар ва коммуникациялардан адолатли тарзда фойдаланиш шартларини, юк ташишда хавф-хатарларни пасайтиришни ва глобал логистикадаги нотенгликни камайтиришга, йирик инфратузилмавий лойиҳаларни молиялаштиришга хизмат қилади.

Халқаро экспертларнинг фикрича, Президент Шавкат Мирзиёевнинг Олий Мажлис ва Ўзбекистон халқига йўллаган Мурожаатномасидан ўрин олган йирик лойиҳалар, айниқса, транспорт-логистика тизимидаги ўзгаришлар келгусида мамлакатнинг дунё ҳамжамиятидаги нуфузини янада оширишга туртки беради. Зеро, унда айтилганидек, автомобиль йўлларининг сифатини яхшилаш, транзит салоҳиятини ошириш мақсадида Андижон — Кўнғирот,



Тошкент — Термиз, Самарқанд — Шахрисабз, Олот — Сарийосиё йўналишида узунлиги 4 минг километрлик халқаро магистраль “автобан” қуришнинг беш йиллик дастури тез орада ишга туширилади. Жорий йилда эса Қорақалпоғистон, Бухоро, Қашқадарё ва Сурхондарё бўйлаб умумий фойдаланишдаги 300 километрлик автойўл тўлиқ тасмирланади. Бундан ташқари, ҳадемай Тошкент — Самарқанд, Тошкент — Андижон,

Тошкент — Бўстонлик, Пунгон — Наманган ва Қарши — Шахрисабз йўналишида юқори тезликда ҳаракатланишга мўлжалланган 800 километрлик йўлларни бунёд этиш бошланади. Бу, албатта, юзлаб қишлоқ ва маҳаллалар янада гўзаллашади, янгидан-янги корхоналар пайдо бўлади, қўшимча иш ўринлари яратилади, катта йўл бўйларида замонавий инфратузилмалар пайдо бўлади деганидир.



МАМЛАКАТ ТАРАҚҚИЁТИДА ҲАЛ ҚИЛУВЧИ КУЧ

Давлатимиз раҳбарининг Олий Мажлис ва Ўзбекистон халқига йўллаган Мурожаатномасида ёшлар масаласига алоҳида эътибор қаратилиб, мамлакатимиз меҳнат бозорини янги қиёфа асосида — касб, малака, технология ва таълимни бирлаштирадиган ягона механизм сифатида шакллантириш орқали ёшларнинг замонавий касбларга эга бўлишига кўмаклашиш устувор вазифалардан бири сифатида таъкидланди.

Акс садо

Дарҳақиқат, йигит-қизларнинг профессионал тайёргарлиги ва ижодкорлик салоҳияти қанча юқори бўлса, жамият келажаги ҳам шунча барқарорлашади. Бугунги глобаллашув даврида ёшлардан доимий ҳаракатда ва касб-корли бўлиш, креатив ва замонавий фикрлаш орқали янги гоя ва ташаббусларни илгари суриш талаб этилмоқда. Бунинг учун зарур ҳуқуқий асослар мустаҳкамланган, бандликни таъминлаш, тадбиркорлик фаолияти билан шугулланиш учун имконият ва имтиёзлар яратилган. Сўнгги йилларда бошқарув кадрлари таркиби ҳам ёшарди. 40 ёшгача бўлган раҳбарлар улуши 37 фоиздан 65 фоизга ўсгани Янги Ўзбекистонда “халқ

хизматидаги давлат” тамойилини рўёбга чиқаришда иқтидорли, жонқуяр ва етакчилик қобилиятига эга йигит-қизларга ишонч билдирилаётганидан далолат.

“Ёшлар — Янги Ўзбекистон бунёдкорлари” деган гоя амалий ишлар билан тасдиқланиб, бу борада турли ислохотлар, дастур ва лойиҳалар ҳаётга татбиқ этилиб, ташаббусларини рўёбга чиқариш учун бюджет маблағлари йўналтирилмоқда. Кўрсатилган имтиёз ва имкониятлар туфайли юртимизнинг турли ҳудудларида истикомат қилаётган келажагимиз эгаларининг бандлиги таъминланиб, реал даромадлари ва ютуқлари кўпаймоқда. Аммо ижтимоий ҳаётда ёшларнинг қалби ва онгини эгаллаш, қимматли вақтини ўғирлашга қаратилган маънавий таҳдидлар ҳам тобора авж олаётгани сир эмас.



Олий Мажлис Қонунчилик палатасида

ИНСОН ҲУҚУҚ ВА ЭРКИНЛИКЛАРИ УСТУВОРЛИГИ КАФОЛАТИ

Олий Мажлис Қонунчилик палатасининг навбатдаги мажлиси бўлиб ўтди. Унда электрон тижорат соҳасини, шунингдек, тазйиқ ва зўравонликдан жабрланган хотин-қизларни ҳимоя қилиш тизимини такомиллаштириш, қўриқлаш фаолияти соҳасидаги қонунчилик базасини янада мустаҳкамлашга доир қатор қонун лойиҳалари атрофлича кўриб чиқилди. Парламент назорати фаолиятига доир масала ҳам муҳокамалар марказида бўлди.

Электрон тижорат: очиклик ва шаффофлик

Мажлисида электрон тижорат соҳасини такомиллаштиришга қаратилган қонун лойиҳаси биринчи ўқишда концептуал жиҳатдан кўриб чиқилди.

Мамлакатимизда бугунги кунда рақамли технологияларнинг жадал ривожланиши электрон тижорат иштирокчилари учун замонавий логистика инфратузилмасига эга миллий электрон тижорат маконини яратиш ҳамда бозор иштирокчиларининг ҳуқуқ ва манфаатларини ҳимоя қилишнинг ҳуқуқий асос-

ларини қайта кўриб чиқишни тақозо этмоқда.

Вазирлар Маҳкамаси томонидан киритилган қонун лойиҳасида электрон тижорат соҳасидаги истеъмолчилар муомаласига кириб бораётган йўналишларга оид “янги электрон савдо платформаси ва буюртмалар агрегатори операторлари”, “рақамли стриминг хизмати”, “электрон тижорат иштирокчилари”, “трансегаравий электрон тижорат” каби атамаларга тушунчалар берилиб, бизнес жараёнлари ва соҳани солиққа тортиш механизмларини такомиллаштириш назарда тутилмоқда.



2026 йилда:


вилоят, туман ҳокимларига самарасиз
ва бир-бирини такрорлайдиган штат
бирликларини қисқартириб, тежалган
маблағни аҳоли ўртага қўйган масалаларни
ҳал қилиш учун ажратишга рухсат этилади;



бу орқали
туманлар
бюджетида
йилига

5 триллион

сўмлик қўшимча манба шаклланади
ва у маҳаллалар инфратузилмасини
яхшилашга сарфланади;



жорий йилда илк бор маҳалла
инфратузилмасини ривожлантириш учун

5 триллион

сўм вилоятларнинг ўзига берилади.

ФАКТ ВА РАҚАМЛАР



Энг муҳими,

бу маблағларнинг ҳар бир сўми аҳоли учун қўшилган қиймат яратиши зарур. Шу боис бу пуллар, умуман, қайсидир туман учун эмас, балки маҳаллада иш ўринлари яратадиган, аҳолини даромадли қиладиган аниқ лойиҳаларга йўналтирилади.

Ўзбекистон Республикаси Президенти Шавкат Мирзиёевнинг Олий Мажлис ва Ўзбекистон халқига Мурожаатномасидан.

Ўзбекистон Республикаси Президентининг

ҚАРОРИ

РЕСПУБЛИКА МАҲАЛЛАЛАРИДА ХАВФСИЗ МУҲИТНИ ЯРАТИШ Йўналишида

ЯХЛИТ МАНЗИЛЛИ ИШЛАШ ТИЗИМИНИ ЖОРИЙ ЭТИШГА ҚАРАТИЛГАН

Қўшимча ЧОРА-ТАДБИРЛАР Тўғрисида

(Давоми. Бошланиши 1-бетда).

д) маҳаллалардаги **жамоат жойларда** ҳуқуқбузарликларнинг барвақт олдини олиш йўналишига замонавий **ахборот-коммуникация** ва **сунъий интеллект** технологиялари, ижтимоий профилактикага масъул идоралар ва муассасалар томонидан қўрилайётган чораларнинг самарадорлиги устидан **электрон назорат** тизимини кенг жорий этиш.

II. Ташкилий-профилактик чора-тадбирлар

3. Белгилансинки, маҳаллаларда жиноятчиликнинг барвақт олдини олиш бўйича самарали тизимни йўлга қўйишга қаратилган манзилли ишларни ташкил этиш мақсадида **2026 йилда** ҳудудлар масъул раҳбарлар ва муассасаларга қўйидаги тартибда **номма-ном бириктирилади**:

а) **криминоген вазияти оғир маҳаллалар** — туман (шаҳар) ҳокимлари, прокурорлари ҳамда ички ишлар органлари бошликлари ва уларнинг ўринбосарларига;

б) **беш йилдан буён “қизил” тоифада бўлаётган маҳаллалар** — Миллий гвардиянинг ҳудудий бошқармалари бошликлари, вилоят даражасидаги ички ишлар органлари раҳбарларининг ва ҳокимларнинг ўринбосарларига;

в) **уч йилдан буён “қизил” тоифада қолаётган маҳаллалар** — ҳуқуқ-тартибт идораларининг таълим ва илмий ташкилотларига;

г) **криминоген вазияти энг оғир туман ва шаҳарлар** — вилоятлар даражасидаги прокурорларнинг ва ички ишлар органлари раҳбарларининг биринчи ўринбосарларига;

д) **аёллар жиноятчилиги, спиртли ичимлик ва гиёҳхандликка ружу қўйган шахслар жиноятчилиги ҳамда низоли оилалар салмоғи энг юқори бўлган маҳаллалар** — тегишинча вилоятлар даражасидаги оила ва хотин-қизлар, соғлиқни сақлаш ҳамда адлия бошқармалари бошликларига.

4. Шундай тартиб ўрнатилсинки, унга мувофиқ:

а) **бириктирилган масъул раҳбарлар ва муассасалар зиммасига** ўз ҳудудларида ҳуқуқбузарликларнинг барвақт профилактикасини ташкил этиш намунасини яратиш, ҳудудий “йўл хариталари” билан белгиланган чора-тадбирларнинг тўлақонли амалга оширилишини таъминлаш ҳамда ижтимоий профилактика тизимини самарали йўлга қўйиш бўйича **қатъий шахсий жавобгарлик юкланади**;

б) Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри, туман (шаҳар) ҳокимлари **ҳар ойда** бевосита ўзлари **камида иккита** криминоген вазияти оғир ва мураккаб маҳаллаларга борган ҳолда **ёшлар, аёллар ва ишсизларга** нисбатан белгиланган **ижтимоий профилактика тадбирларини амалга ошириш ҳолатини танқидий ўрганади** ҳамда уларнинг ижтимоий-маиший муаммоларини бартараф этиш бўйича **манзилли чоралар кўради**;

в) **ҳар ой якунида** Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари томонидан маҳаллаларда содир этилган ижтимоий-

маиший тусдаги жиноятларнинг **сабаблари** ва уларни келтириб чиқарган **омилларни танқидий муҳокама қилади** ва **ҳаракатсизликка йўл қўйган ижтимоий профилактикага масъул ташкилотлар** раҳбарларига **нисбатан чоралар кўради**;

г) **ижтимоий мослаштириш дастури** яқунлангандан **сўнг ижтимоий профилактика объектлари** томонидан жиноятлар содир этилишининг олдини олиш мақсадида ушбу шахсларнинг турмуш тарзи **бир йил** давомида **мониторинг қилиб борилади**;

д) республика маҳаллаларида иловага мувофиқ тартибда маҳаллий ҳокимликлар раҳбарлигида **“Ижтимоий профилактика ҳафталиги”ни ўтказиш амалиёти йўлга қўйилади**;

ж) Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри, туман (шаҳар) ҳокимлари томонидан ҳудудий прокурорлар ва ички ишлар органлари раҳбарларининг **ҳар чорақда** киритиладиган қўшма таклифларига асосан маҳаллада жиноятчиликни жиловлash йўналишида масъул давлат идораларининг **камида 15 нафар ўрнак кўрсатган** раҳбар ва ходимлари маҳаллий бюджет даромадларининг прогностдан ошириб бажарилган қисми ҳисобидан меҳнатга ҳақ тўлаш фонди (пул таъминоти)нинг **бир баравари микдорда пул муқофоти** билан рағбатлантириб борилади.

III. Ташкилий-назорат чора-тадбирлар

5. Маҳаллаларда ҳуқуқбузарликларнинг барвақт профилактикаси борасидаги ишларни комплекс ташкил этиш мақсадида Бош прокуратура ҳузурида тузилган **Республика идоралараро мувофиқлаштириш ишчи гуруҳи** (кейинги ўринларда — **Мувофиқлаштириш ишчи гуруҳи**) ўз фаолиятини белгиланган тартибда **давом эттирсин**.

6. Мувофиқлаштириш ишчи гуруҳи (Б. Валиев, А. Рахматуллаев):

а) **2026-2027 йилларда ҳар чорақда** республика маҳаллаларида хавфсиз муҳит яратиш ва ҳуқуқбузарликларнинг барвақт олдини олишнинг самарали ташкилий-техник тизимини шакллантиришга қаратилган **ҳар бир ҳудуд кесимида асосий мақсадли кўрсаткичларни** тасдиқлаб босин ҳамда уларга эришиш ҳолати устидан назоратни таъминласин;

б) Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан **ҳар бир ҳудуд** ва криминоген вазияти оғир маҳаллалар кесимида Ўзбекистон Республикаси Президентининг 2025 йил 3 январдадан **ПҚ–1-сон қарори** билан тасдиқланган **маҳалла — туман — вилоят** даражаларидаги **манзилли чора-тадбирларнинг намунавий “йўл хариталари”** асосида **ҳар чорақлик** ҳудудий “йўл хариталари”ни ишлаб чиқиш ва ижрога қаратишни ташкил қилсин;

в) маҳаллаларда ҳуқуқбузарликларнинг барвақт профилактикаси борасидаги ишларнинг **натияждорлигини**, шу жумладан, **жойларга бевосита чиққан ҳолда тизимли**

равишда баҳоласин, шунингдек, ҳудудий “йўл хариталари”да назарда тутилган чора-тадбирларнинг изчил, сифатли ва ўз вақтида амалга оширилишини доимий равишда **қатъий назорат** (шу жумладан, электрон назорат платформаси орқали) қилиб босин;

г) **ҳар ойда камида иккита вилоят** кесимида маҳаллаларда амалга оширилаётган ишларнинг ҳолати ва натижадорлиги бўйича барча масъул идора ва муассасалар билан **танқидий муҳокамалар ўтказилишини** ҳамда ушбу масалага масъулиятсизлик билан ёндашган раҳбарларга нисбатан лавозимидан озод этишгача бўлган таъсир чоралари кўриб борилишини йўлга қўйсин;

д) маҳаллаларда хавфсиз муҳитни яратиш ишларига муносиб ҳисса қўшган масъул раҳбарлар ва ходимларни ҳар йили **Маҳалла тизими ходимлари куни муносабати билан давлат муқофотларига** тавсия қилиб босин.

7. Белгилансинки:

а) маҳаллаларда хавфсиз муҳит яратиш йўналишида амалга оширилган ишлар ва уларнинг натижадорлиги **ҳар ой якунида** — вилоят прокурорлари ва ички ишлар органлари бошликлари ҳузурида, **ҳар чорақ якунида** ички ишлар вазири ва Бош прокурор ҳузурида тегишли вилоят ва республика раҳбарлари иштирокида танқидий муҳокама қилинади ҳамда Ўзбекистон Республикаси Президенти Администрациясида таҳлилий ахборот ҳамда масъулларни рағбатлантириш ёки интизомий жазолаш бўйича таклифлар киритиб борилади;

б) мазкур қарорга мувофиқ ҳудудларга **бириктирилган масъул раҳбарлар ва муассасалар** томонидан амалга оширилган ишлар ҳолати устидан **назорат қилиш**, шу жумладан, **жойларга бевосита чиққан ҳолда** уларнинг натижадорлигини **баҳолаб бориш** Мувофиқлаштириш ишчи гуруҳи ва унинг ҳудудий штаблари томонидан таъминланади.

IV. Қонун устуворлигини таъминлаш чоралари

8. Қўйидагиларга:

а) **Бош прокурорнинг ва ички ишлар вазирининг биринчи ўринбосарларига** — жиноятларни ҳисобдан яшириш, республика миқёсида кундалик ҳисоботларга сохта маълумотларни киритиш ҳолатларига тубдан барҳам беришга қаратилган **қатъий назорат тизимини йўлга қўйиш** бўйича;

б) **Қорақалпоғистон Республикаси, вилоятлар ва Тошкент шаҳри прокурорлари ва ички ишлар органлари раҳбарларига** — жиноят ишини қўзғатишни асосий рад этиш, жиноятларни ҳисобдан яшириш ва қасддан нотўғри малакалаш ҳолатларининг олдини олишга қаратилган тизимли **назоратни таъминлаш** бўйича;

в) **туман (шаҳар) прокурорлари ва ички ишлар органлари раҳбарларига** — аҳолининг ҳуқуқбузарлик ҳақидаги **ҳар қандай мурожаатларини сўзсиз рўйхатга олиш**, кўриб чиқиш натижасида қабул қилинган қарорларнинг қонунийлигини ўрганиш ҳамда барча жиноий ҳолатлар юзасидан белгиланган тадбирлар ўз вақтида, қонуний ва тўлақонли амалга оширилишини ташкил этиш бўйича **шахсий**

МАМЛАКАТ ТАРАҚҚИЁТИДА

ҲАЛ ҚИЛУВЧИ КУЧ



Бундай мураккаб вазиятда эса фарзандларимизни зарарли таъсирлардан асраш, доимо зийрак ва огоҳ бўлиб яшаш, уларга кўмак бериш долзарб вазифа сифатида барчамизни ҳушёр тортириши керак.

Таъкидлаш жоизки, таълим соҳасида амалга оширилаётган ислохотлар ёшлар учун кенг имкониятлар эшигини очяпти ва уларни ёт гоёлар таъсирига тушиб қолиш-

дан сақламоқда. Айниқса, халқаро хорижий тил олимпиадаларида, стартаплар ва кичик бизнесни ривожлантириш, замонавий технологиялар ҳамда сунъий интеллект соҳаларида ёшларнинг билим ва тажриба орттириб келаётгани навқирон авлоднинг интеллектуал салоҳияти тобора ошиб бораётганидан далолат.

2026 йилнинг “Маҳаллани ривожлантириш ва жамиятни юксалтириш йили” деб эълон қилиниши давлат сиёсатининг самарадорлигини оширишга қаратилган энг устувор вазифаларни қамраб олганлигининг яққол далили. Бу эътироф ислохотларни энг қўйи бўғин — инсонлар ўшайдиган ва кундалик ҳаёт кечирадиган ҳудудларда жадаллаштиришга қаратилган бўлиб, “Инсон манфаатлари — давлат сиёсатининг марказида” деган

тамойилнинг амалий ифодасидир. Ҳужжатда аҳоли фаровонлигини оширишга йўналтирилган чора-тадбирлар ёшлар ҳаётида ҳам муҳим аҳамият касб этиши таъкидланди. Хусусан, олий таълимда грантлар ва стипендиялар сонининг кўпайиши, спорт ва маданият соҳалари учун ажратилаётган субсидиялар ёшларнинг имкониятларини кенгайтиради ҳамда ўз салоҳиятини рўёбга чиқариши учун мустаҳкам замин яратади.

Президентимиз ўз нутқида келгусида Ўзбекистоннинг ўз космонавтини коинотга учуриш нияти борлигини мамнуъят билан таъкидлаб, бу ташаббус мамлакатимизда илм-фан, таълим, технология ва инновациялар соҳаларида олиб борилаётган кенг қамровли ислохотларнинг мантикий давоми ҳамда рамзий натижаси эканини

айтиб ўтди. Бу ҳам келажагимиз умидларига берилган улкан баҳодир.

Инновацион гоёлари, ижодий изланишлари билан юрт тараққиёти, халқ фаровонлигига муносиб ҳисса қўшаётган ёшларимиз бундан буён ҳам жамият, миллий ўзлик, маънавий ва сиёсий жараёнларни чуқур англаган ҳолда тенгдошларига ибрат бўлиб фаоллик кўрсатишлари зарур. Зеро, улар учун билим олиш, меҳнат қилиш, спорт ва ижтимоий фаоллик соҳаларида тенг имкониятлар яратилганлиги мамлакатнинг барқарор ривожланишини таъминлайди. Келгуси тараққиёт босқичини белгилab берувчи дастуриламал ҳужжатда илгари сурилган гоё ва ташаббуслар мамлакатимизда амалга оширилаётган ислохотлар бардавомлигини таъминлашга муносиб ҳисса қўшади.

Шухрат АСЛАНОВ,
Олий Мажлис Сенатининг
Ёшлар, хотин-қизлар, маданият ва спорт масалалари қўмитаси аъзоси.

ЯНГИ СТРАТЕГИК ҚАДАМЛАР

Сўнгги йилларда мамлакатимизда иқтисодиётни либераллаштириш, аҳоли бандлигини таъминлаш ва инсон капиталини ривожлантириш, ижтимоий ҳимоя тизимини янги босқичга олиб чиқиш, тадбиркорлик фаолиятини қўллаб-қувватлаш, қўлай инвестициявий муҳитни шакллантириш ҳамда давлат бошқаруви тизимини тақомиллаштиришга қаратилган кенг қўламли ислохотлар амалга оширилди. Бунда 2023 йил 11 сентябрда қабул қилинган “Ўзбекистон — 2030” стратегияси мамлакат тараққиётининг ўрта муддатга мўлжалланган устувор йўналишлари, мақсадлари ҳамда уларга эришиш бўйича самарадорлик кўрсаткичларини белгилab берди.



Ушбу стратегия доирасида амалга оширилган ислохотлар натижасини рақамларда ифода этадиган бўлсак, ўтган давр мобайнида камбағаллик даражаси 11 фоиздан 6,8 фоизга тушди, ялпи ички маҳсулот ҳажми 107,5 млрд. доллардан 140 млрд. долларга етди. Ўзбекистон Глобал инновацион индексида 139 та давлат орасида 79-ўринни эгаллаб турибди. Аммо бугунги кунда жаҳонда юз бераётган глобал ўзгаришлар, халқаро бозорлардаги тебранишлар, sanoat ва технологияларнинг кескин ривожланиши, энергия бозорларидаги трансформация, глобал таъминот занжирларининг қайта шаклланиши Ўзбекистондан ҳам янги ёндашувларни талаб этмоқда. Бундан ташқари, мамлакатда аҳоли сонининг тез суръатларда ўсиши, урбанизация жараёнлари, бандлик ва даромадлар масалалари янги стратегик ёндашувларни тақозо қилмоқда. Шунингдек, “мақсад — ҳаракат — натижа” занжирига асосланган мутлақо янги стратегик режалаштириш ва ривожланиш тизими жорий этилгани “Ўзбекистон — 2030” стратегиясини янги талаблар асосида тақомиллаштириш зарурлигини кўрсатмоқда.

Юқоридаги омиллардан келиб чиқиб, “Мамлакатнинг 2030 йилгача мўлжалланган тараққиётининг ус-

янада кучайтиришга

хизмат қилади. Айниқса, самарадорлик кўрсаткичларини қайта кўриб чиқиш, уларни аниқ ўлчаш, баҳолаш ва тўлиқ рақамлаштириш орқали мониторинг қилиш тизимининг жорий этилиши ижро интизомини мустаҳкамлаш, масъул раҳбарларнинг шахсий жавобгарлигини оширишга қаратилган муҳим қадамдир.

Лойиҳада иқтисодий ўсиш билан бир қаторда таълим, тиббиёт, ижтимоий ҳимоя, рақамли иқтисодиёт, сунъий интеллект, “яшил” иқтисодиёт ва экологик барқарорлик масалаларига алоҳида эътибор қаратилгани жаҳон тенденцияларига мос ва келажакка йўналтирилган ёндашув эканини кўрсатади. Шу билан бирга, аҳоли сони ўсиши, урбанизация жараёнлари ва меҳнат бозоридagi ўзгаришлар ҳисобга олинган ҳолда бандлик ва даромадларни оширишга қаратилган стратегик қарорлар имзоланмоқда.

Янгиланган “Ўзбекистон — 2030” стратегияси қабул қилинган унинг ижроси устидан парламент назоратини таъминлаш, жойларда стратегияда белгиланган мақсад ва вазифаларнинг тўлиқ ва сифатли бажарилишига кўмаклашиш, аҳоли билан очик мулоқот орқали ислохотларнинг мазмун-моҳиятини кенг жамоатчиликка етказиш устувор вазифаларимиздан бири бўлади.

Ишонч билан айтиш мумкинки, “Ўзбекистон — 2030” стратегиясининг янгиланган босқичи мамлакатимизни барқарор, рақобатбардош ва инсон қадрли улугланган давлат сифатида янада юксалтиришга хизмат қилади.

Гулнора МАЪРУФОВА,
Олий Мажлис Сенатининг
Фан, таълим ва соғлиқни сақлаш масалалари қўмитаси аъзоси.

МАЪНАВИЯТ — МАФКУРАВИЙ ХУРУЖЛАРГА ҚАРШИ ҚАЛҚОН

Бугунги ўта мураккаб глобаллашув замонида, дунёнинг турли нуқталарида зиддиятлар авж олаётган бир шароитда ҳар бир давлат учун миллий хавфсизлик ҳамда халқ тинчлиги энг олий қадриятга айланмоқда. Халқаро хавфсизлик тизимларининг мўрлашиб бориши биздан нафақат ҳушёрликни, балки мамлакат келажаги учун масъул бўлган мустақкам маънавий асосларни яратишни ҳам талаб этмоқда.

Нуктаи назар

Давлатимиз раҳбари таъкидлаганидек, мамлакатимиз аҳолисининг 60 фоизидан кўпрогини ташкил қилувчи ёшлар бизнинг асосий таянчимиз ва умидимиздир. Агар жамиятни мухташам бир иморат деб тасаввур этсак, унинг пойдевори, шубҳасиз, йилгит-қизлардир. Бинонинг қанчалик баланд ва мустақкам бўлиши билан асосига боғлиқ бўлгани каби, давлатнинг барқарорлиги ва хавфсизлиги ўсиб келаётган авлоднинг дунёқараши ҳамда маънавий қиёфасига бевосита боғлиқ.

Шу боис ёшларни ватанпарвар, юксак маънавиятли ҳамда фидойи қилиб тарбиялаш — ҳаётий зарурат. Хозирги вақтда хавф-хатарлар нафақат чегараларда, балки инсонларнинг қалби ва онгида ҳам намоён бўлмоқда. Бизнинг миллий менталитетимизга, ахлоқий қадриятларимизга зид бўлган “оммавий маданият” никоби остидаги ёт ғоялар ёшлар онгини заҳарлашга уринмоқда. Бундай шароитда жараёнларга маънавият кўзи билан қараш муҳим аҳамият касб этади.

Эътиборни ҳар қачонгидан тўра қучатириш талаби

Маънавият бу шунчаки чиройли сўзлар ифодаси эмас, балки миллий манфаатларимизни ҳимояловчи кучли қалқондир. Биз ҳаётимизга кириб келаётган ҳар қандай янгиликни миллий қадриятларимиз элагидан ўтказишимиз, унинг аҳоли турли қатламларида, айниқса, ёшларга таъсирини чуқур таҳлил қилишимиз шарт. Миллий ўзлигимизга ёт бўлган қарашларни ўз вақтида аниқлаш ва уларга нисбатан маънавий иммунитетни шакллантириш — тинчлик ва барқарорликни таъминлашнинг энг самарали йўлидир. Шу маънода, юртимизда маънавият масалаларига давлат сийсати даражасида эътибор қаратилаётгани бежиз эмас. Зеро, биз Янги Ўзбекистоннинг пойдеворини замонавий билимлар қатори-



да, миллий ва умумбашарий қадриятлар билан сўғоришган маънавият асосида барпо этмоқдамиз. Шундай бўлса-да, бугун кўз ўнгимизда содир бўлаётган ҳодисаларнинг ўзи ҳаётнинг аччиқ ҳақиқатидан сабоқ чиқаришга ундайди. Ҳақиқат шуки, катта давлатлар ўртасида дунёни, табибий ресурсларга бўй ўлқаларни тақсимлаш “уйин”лари ҳамон тингачица йўқ.

Энг ачинарлиси, ёш мустақил давлатларни танлаб олган тараққиёт манзилдан, орзу-мақсадларига эришиш, янги жамият қуриш йўлидан қайтармоқчи бўлганлар, аввало, дунёқараши шаклланиб улгурмаган ёшларнинг қалби ва онгининг мўртлигидан фойдаланишга, уларни бегона ғоялар билан қалғитиб, ўзининг ғаразли ниятларини амалга ошириш йўлида қурол қилиб олишга уринаётгани сир эмас.

Шу сабабдан ҳам бугун дунёда кечаётган мураккаб жараёнлар таҳлилда уларга, энг аввало, маънавият кўзи билан қараш, ҳаётимизга кириб келаётган, ахлоқимизга, менталитетимизга зид ғояларни аниқлаш, аҳоли турли қатламларида таъсирини ўрганиш, миллий манфаатларимизга, ҳаёт тарзимизга мос келмайдиган жиҳатларини очиб бериш ва табиийки, зарур чоралар қўриш муҳим аҳамият касб этади.

Сийсатда “Сен ухлаганингда душманинг уйғоқ бўлади” деган нақл бежиз айтилмади. Маънавий жиҳатдан ғофилликка ҳеч кимнинг ҳаққи йўқ. Лоқайдликка чек қўйиш, муҳроқ ҳолатдан уйғониш керак. Бунинг учун эса, аввало, илм сари ҳаракат қилиш, оила, боғча, мактаб, олий таълим, маҳалла, мута-

садди муассасалар ҳамда жамоат ташкилотлари мунтазам равишда ҳамкорликда иш олиб бориши зарур.

Албатта, маънавий тарбия билан боғлиқ ишлар осон вазифа эмас. У ҳар бир инсон, ҳар бир оила, ҳар бир сиёсий партия ва ҳаракатдан, бутун жамиятдан огоҳлик, жиддий эътибор ҳамда узлуксиз меҳнатни талаб қилади. Айниқса, бугунги кунда — мафкуравий курашлар гоҳ ошқор, гоҳ пинҳона тус олган ҳозирги нозик, қалтис шароитда бу ниҳоятда долзарб масала. Агар маънан ва руҳан соғлом, оқини қорадан, яхшини ёмондан ажрата биладиган, бу мураккаб ҳаётнинг пасту баланд кўчаларидан тўғри йўлни адашмай топа олишга қодир бўлган маънавий юксак авлодни тарбиялаб

тарбиясига боғлиқ бўлган. Ватанмиз тарихида айнан шу улғу туйғу сабаб ўзидан сон жиҳатдан бир неча ўн баробар кўп бўлган қудратли лашкарларни енгган қанчадан-қанча жасур аждодларимиз ўтган. Тўмарис, Спитамен, Махмуд Торобий, Жалолиддин Мангуберди, Амир Темур, Бобур Мирзо булар маънавий рух, мардлик ва шижоат, миллатпарварлик, ватанпарварлик туйғуси билан аскарларини қудратли кучга айлантира олган юрт қалқонларидир.

Шу маънода, бугун мамлакат Қўролли Кучлари тизимида ҳам ёшларни ҳарбий-ватанпарварлик руҳида тарбиялаш ишларига катта эътибор қаратиляпти. Бундан қўтилаётган натижа, бу ватанпарварлик туйғуси юксак, замонавий

да тарбиялаш борасида “Келажак буюк давлат қуришда ёшлар ҳал қилувчи кучдир!” деган таъмоилга риоя этиб, тизимли ишларни изчил ташкил қилсак, бу йўлда бор куч ва имкониятимизни сафарбар этсак, салмоқли натижага эришишимиз муқаррар.

Ҳар бир инсон учун Ватан тақдир билан белгиланган ва тарихан ато этилган ҳудуддир. Ватанга содиқ одамнинг ғурур-ифтихори юксак, мақсадлари аниқ бўлади. У ҳаётнинг ҳар қандай синовларига бардош бера олади. Ҳатто, чўлда ўрмалаб юрган жониворлар, ҳавода учувчи қушлар ҳам, денгиз ва дарёлардаги балиқлар ҳам ўз ошёнларига ошмади, кўрийдикўриқлайди.

Ватан ҳисси бу ўз халқини севмоқ, ҳурмат қилмоқ, қадрига етиш ва эътироф этмоқдир. Мустақил юртимизда яшаётган ҳар бир инсоннинг бахти бевосита Ватанмиз равнақи билан боғлиқ. Шу сабабли, Ватан тараққиёти учун бор билими, кучи ва салоҳиятини сарфлаш Ўзбекистон Республикасида яшаётган барча фуқароларнинг муқаддас бурчига айланмоғи даркор. Бу эса ҳар бир юртдошимизни ўзининг камолоти учун масъулиятни ҳис қилиши, ўз манфаатларини шу юрт, шу халқ манфаатлари билан уйғуналаштириб яшашида намоён бўлади.

Аёнки, ватанпарварлик — инсоннинг ўзи туғилиб ўсган, камол топган заминига бўлган муҳаббатини ифода этадиган ижтимоий ва маънавий-ахлоқий фазилатлар муҳассами. Ватанпарварликнинг асосий белгиси эса — фидойилик, олий кўриниши эса жасорат ҳисобланади. Ана шу фидойилик ва жасорат халқимизнинг маънавий меросида ҳамда аждодларимиз тимсолида ўз аксини топган.

Халқимиз азалдан ўз ўғлонларини мардлик ҳамда ҳалоллик, жасурий руҳида, эл-юрт учун жонини ҳам аямайдиган асл пахлавонлар этиб тарбиялаб келади. Аждодларимизнинг Ватан равнақи, тинчлиги йўлидаги жасоратлари, мустақилликка эришгунча давр мобайнида босиб ўтган машаққатли йўлнинг асл моҳиятини англаш ва шу тарика ўтмиш тарихини ўрганиш ёш авлод учун ҳарбий ватанпарварлик тушунчасини чуқур англаб етишда асосий омиллардан ҳисобланади.

Демак, кучли руҳий-маънавий тарбия мамлакат ёшлари учун энг муҳим воситадир. Айнан маънавий-руҳий тарбия керак пайтда қалқон, керак пайтда ҳимоя қуроли вазифасини ўтайди.

Комила КАРИМОВА,
Тошкент давлат иқтисодий университетининг
Ёшлар масалалари ва маънавий-маърифий ишлар бўйича
биринчи проректори.



Шахмат: АБДУМАЛИК — «NORTH AMERICAN OPEN» ТУРНИРИ ҲОЛИБИ

АҚШнинг Лас-Вегас шаҳрида мукофот жамғармаси 130 000 долларни ташкил этувчи “North American Open — 2025” халқаро шахмат турнири юртимиз вакиллари учун муваффақиятли якунланди.



Хусусан, гроссмейстеримиз Абдумалик Абдусалимов 125 нафар шахматчи ўртасида 6,5 очко жамғариб, мусобақа ғолибига айланди. Иккинчи ўрин эронлик гроссмейстер Гаём Магами Эҳсонга, бронза медали эса ҳиндистонлик гроссмейстер Кустав Чаттержига насиб қилди.

Шунингдек, ҳамюртларимиздан халқаро тоифадаги спорт устаси Муҳаммадали Абдурахмонов ҳам 6,5 очко билан мусобақани қўшимча курсаткичларга кўра 5-поғонада якунлаган бўлса, халқаро тоифадаги спорт устаси Саидқабар Сайдалиев 5,5 очко билан 27-ўринни эгаллади.

Футбол: ОСИЁ КУБОГИ БАҲСЛАРИ БОШЛАНДИ

Саудия Арабистонида 23 ёшгача бўлган футболчилар ўртасидаги Осиё кубоги баҳслари бошланди. Мазкур мусобақада Равшан Ҳайдаров мураббийлигидаги Ўзбекистон терма жамоаси ҳам қатнашмоқда.



Турнирда янги Олимпия терма жамоасини шакллантириш учун “U21” ёш тоифасидаги жамоамиз иштирок этади. Бундан кўзланган асосий мақсад — 2028 йилги Лос-Анжелес Олимпиадасига тайёргарлик. “В” гуруҳидан ўрин олган жамоамиз Ливан (7 январь), Эрон (10 январь) ва Жанубий Корея (13 январь) билан “плей-офф” босқичи йўлланмаси учун кураш олиб боради.

Дастлабки икки баҳс Тошкент вақти билан соат 19:00 да бошланса, 3-турдаги беллашув 16:30 да старт олади.

ҲАМЮРТИМИЗ ГОНКОНГДА ЭЪТИРОФ ЭТИЛДИ

Бугунги кунда Осиё яшил майдонларида кўплаб футболчиларимиз муваффақиятли тўп суриб келмоқда. Хусусан, Ироқ, БАА, Малайзия, Индонезия, Гонконг, Эрон чемпионатларида ўзбекистонлик тўптепарларнинг салоҳияти ҳам эътироф этилаётди.



Жумладан, 2018 йилда Хитойда уюштирилган “U23” Осиё кубоги ғолибларидан бири, марказий ҳимоячи Достон Турсунов Гонконг биринчилигида ўтган ойнинг энг яхши йўналиши, деб топилди. “Ли Ман” жамоасида тўп сураётган 30 ёшли футболчи декабрда 3 та ўйинда қатнашиб, 2 та гол урди ва клубнинг муҳим ғалабаларига ўз ҳиссасини қўшди.

Д. Турсунов шу кунгача Япония, Жанубий Корея, Хитой ва Эрон каби давлатларнинг маҳаллий чемпионатларида легионер макомиди тўп тепган.

Суннатилла ИСЛОМОВ
(«Халқ сўзи») тайёрлади.

Ўзбекистан Республикаси Конституциявий суди жамоаси Конституциявий суд эксперти
Савдбек АЗИМОВнинг вафоти муносабати билан марҳумнинг яқинлари ва оила аъзоларига чуқур таъзия изҳор этади.

Кулайлик

ОНА ВА БОЛА САЛОМАТЛИГИ ДОИМИЙ ЭЪТИБОРДА

Янги йилнинг илк кунларида Қорақўлда туманлараро перинатал марказининг янги биноси фойдаланишга топширилди. Ушбу лойиҳа рўёби учун 4 миллиард сўм миқдориди маблаг сарфланган. Беморларга мўлжалланган палаталар, шифокорлар кабинетлари, тиббий таҳсиллар, жарроҳлик амалиётлари ўтказиладиган хоналар, куттиш заллари — барча барчаси замонавий талаблар асосида жиҳозланган. Марказдан Осиё тараққиёт банки кредити асосида сотиб олинган энг сўнгги русумдаги тиббий техника воситалари ҳам ўрин олди.

— Бу 2026 йилда нафақат Қорақўл, балки қўшни Олот ва Жондор туманларида истиқомат қилувчи ёш оилалар учун ҳам муносиб тўхфа бўлди, — дейди маҳалла фаоли М. Ражабова. — Негаки, болажон халқимиз — фарзанднинг тўрт мушаси соғлом дунёга келиши хонадонимизга ёруғлик олиб қиради. Қўшқаватли, замонавий бинода она ва бола саломатлигини ишончли муҳофаза этиш, шифокорларнинг ўз бурчини сидқидилдан бажариши учун зарур барча қўлайликлар мавжуд. Биз давлатимиз томонидан тиббиёт ходимларига шундай имконият яратилиб, уларнинг меҳнати муносиб рағбатлантирилаётганидан мамнунимиз!

Янги иншоот энг чекка ҳудудларда яшовчи аҳоли ҳам сифатли тиббий хизматдан баҳраманд бўлишга устувор вазифа сифатида қаралаётгани ифодасидир.

Истам ИБРОҲИМОВ
(«Халқ сўзи»).

ОДАМ САВДОСИ:



Мулоҳаза

Бугун “одам савдоси” деган тушунча фақат жиноятлар статистикаларида учрайдиган атама эмас, балки инсон тақдирини чилларчин қилётган оғир ижтимоий фожиа сифатида намоён бўлмоқда. Бу иллат чегарани тан олмайди, тил ҳамда миллат ажратмайди, тўсиқларга чап беради ва энг аввало, ишонувчан ёшлар ва аёлларни нишонга олади. Ёлғон ваъдалар, сохта иш тақлифлари ва фирибгарликка устасифаранг ҳисобланган кимсалар инсоннинг энг муқаддас ҳуқуқлари — эркин меҳнат қилиш, ҳалол даромад топиш ва муносиб ҳаёт кечириш ҳуқуқларини поймол этади.

раҳбари томонидан бу муаммага алоҳида эътибор қаратилмоқда. Вазирлар Маҳкамаси томонидан қабул қилинган “Ўзбекистон Республикаси фуқароларини хорижда ташкиллаштирилган тартибда ишга жойлаштириш тизимини янада тақомиллаштириш чора-тадбирлари тўғрисида”ги ҳамда “Меҳнат миграцияси жараёнларини тақомиллаштириш бўйича қўшимча чора-тадбирлар тўғрисида”ги қарорлари бу соҳада ҳуқуқий кафолатларни кучайтиришга хизмат қилмоқда.

Вазирлар Маҳкамаси ҳузуридаги Миграция агентлиги томонидан ўтган йилнинг 11 ойи давомида 27 403 нафар фуқарога моддий, ҳуқуқий ва ижтимоий ёрдамлар қўрсатилгани одам савдосига қарши курашда давлат томонидан нафақат ҳуқуқий, балки реал ижтимоий ҳимоя механизмлари самарали ишлатиётганини аққол намоён этади. Жумладан, мураккаб молиявий вазиятга тушиб қолган 1 033 нафар фуқарога бир марталик моддий ёрдам берилди. Шунингдек, хорижда оғир ижтимоий аҳволга тушиб қолган 3 275 нафар фуқаро Ўзбекистонга қайтарилди ва уларнинг 1 591 нафарини аёллар ташкил этади. Шу рақамларнинг ўзиёқ одам савдосига қарши кураш ва бу иллат тузугига тушиб қолган кишилар тақдирига давлатимиз безътибор эътиборини, ҳукуматимиз томонидан изчил, тизимли ва доимий равишда амалий ишлар йўлга қўйилганини кўрсатади.

Аслида, одам савдосига қарши кураш фақат давлат органлари зиммасидаги вазифа эмас, бу офатга бутун жамият қарши турмоғи лозим. Кишлоқда, шаҳарда, таваккал қилиб чет элга иш излаб кетаётган кишини қўйишни, қариндошлари билмайди деб ўйлашсизми? У бу режасини ошқорлаш амалга оширади, баъзан хорижда бир амаллаб иш топган дўсти

ё кондоши унга қўнғироқ қилиб “Ишламоқчимисан, келавер, бирор чорасини топамиз, бекор қолмайсан” дейди.

Жинсий эзравонлик, одам таналарини сотиш йўналишидаги савдодаги найранглар эса янада ажабтовуру, ваъдалар — уйқуни қочирадиган. Қарабсизки, эчки-улоқ, сигир-бўзоқ сотилган, чипта олинган, не-не орзулар қанотида самолётга, поездга қилинади. Шу тарика, инсон гоҳида кўра-била туриб, таваккал ортидан ўзини парвона каби чўққа уради. Шу боис ҳам жамиятнинг ҳушёрлиги, ахборот алмасув ва фаол фуқаролик позицияси ниҳоятда зарур, у ушбу таҳдидга қарши энг самарали воситалардан биридир.

Унутманг, юртимизда ҳар бир инсон эътибордан четда эмас. Ёшларнинг истиқболли, таълим олиши учун бекисё имкониятлар яратилган. Шундай экан, эртага пшаймон бўлмаслик учун давлатимиз яратиб бераётган имтиёзу имкониятларга таянган ҳолда илмни, билимни, қўлидан иш келадиган мутахассис бўлишга интилиш зарур. Бундай инсон эса алданиб, бировларнинг қармоғига тушиб қолмайди.

Сардор НИШОНОВ,
Вазирлар Маҳкамаси ҳузуридаги Миграция агентлигининг низослари судгача ва судда ҳал этиш бўлими бош мутахассиси.

2026/2027 ўқув йилидан Каттакўрғон давлат педагогика институтида Тошкент шаҳридаги Турин политехника университети билан ҳамкорликда муҳандислик йўналишлари бўйича факультет ташкил этиш чоралари кўрилади.

Халқ сўзи Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 142. 31 016 нусxada босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Газетани ҳақидаги маълумотларни юқуб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-259-74-51; қотибқилиш 71-259-74-53;
эълонлар 71-259-74-87.



Таҳририятга келган қўлёзмалар тақриз қилинмайди ва манлифга қайтарилмайди.

Газетанинг етказиб берилиши учун обунани расмийлаштирган ташкилот жаовбар.

Газета таҳририят компьютер марказида терилди ҳамда оператор М. Бегмуратов томонидан саҳифаланди.

Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмахона телефони: 71-233-11-07.

• **МАНЗИЛИМИЗ:**
100066,
Тошкент шаҳри,
Ислом Каримов кўчаси, 55-ўй.
Навбатчи муҳаррир — Ф. Бахромов.
Мусахҳиҳ — Ш. Машраббоев.

“Шарқ” нашриёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 21.00 Топширилди — 23.20 1 2 3 4 5 6